

金

匱

翼

金匱翼卷八目錄

夢遺精滑論

清心

清燥濕熱

秘固精氣

赤白濁

便秘統論

虛秘

實秘

風秘

冷秘

熱秘

氣秘

閉癰遺溺論

小便不通

小便不禁

交腸

諸淋

沙石淋

勞淋

血淋

氣淋

膏淋

疝症統論

溫劑

逐水

除溼

降心火

和血

散氣

寒熱兼行

逐氣流經

診候生死要法

金匱翼卷八

創鶴山人序

長洲後學徐錦炳南氏讀

夢遺精滑

夢遺精滑。雖皆屬火。而有心腎之異。動於心者。神搖於上。則精遺於下也。不必治腎。但清其心。而夢自已。蓋精之藏貯。雖在腎。而精之主宰。則在心。是以少年伶俐之人。多有此病。而田野愚魯之人。無患此者。總由心之動靜而已。動於腎者。壯年氣盛。久節淫慾。經

絡壅熱精乃不固經所謂陽強不能密陰氣乃絕是也而此病復有二有出於木者有出於水者以二藏皆有相火故也宜分別治之又有脾胃濕熱下流腎經精氣不清而遺者得之醇酒厚味過多也直指所謂心腎之外又有脾精不禁小便漏濁手足乏力腰背酸疼當用蒼朮等劑以斂脾精斂脾謂何精生於穀也。

清心之劑

安神丸

生地

硃砂

水飛

當歸

各一錢

甘草

五分

黃連

一錢五分

湯浸蒸餅爲丸。如黍米大。每服十五丸。或二十丸。津咽。或用溫水送下。

導赤散 婁全善云。一壯年夢遺白濁。與澁精藥益甚。改用導赤散。大劑服之。遺濁皆止。

生地

木通

甘艸

等分

竹葉

二十片

水煎服。

一方加人參。麥門冬。

茯神湯

治思想太過。夢泄夜臥心悸。

茯神

去皮木一錢五分

遠志

石菖蒲

茯苓

各一錢

棗仁

炒一錢二分

人參

當歸

各一錢

甘草

四分

黃連

生地

各八分

水二鍾。蓮子七枚。搗碎。煎八分。食前服。

蓮子六一湯。治心熱夢遺赤濁。

石蓮肉

連心用六兩

甘艸

多一兩

右為末。每服二錢。食後燈心一小撮。煎湯調下。

王荊公妙香散。安神閉精定心氣。

人參

益智仁

龍骨

五色者各一兩

白茯苓

茯神

去木

遠志

去心各半兩

硃砂

研

甘草

炙各二錢半

右爲細末。每服二錢。空心溫酒調服。

### 真珠丸

真珠

六兩以牡蠣六兩川水同煎一日。去牡蠣以真珠爲末。

右於乳鉢內研三五日後。寬著水飛過。候乾用蒸餅和丸。如梧子大。每服二十丸。食前溫酒送下。

### 珍珠粉丸

黃栢

新瓦上炒赤

真蛤粉

各一斤

真珠

三兩



右爲末。滴水丸。梧子大。每服一百丸。空心溫酒送下。

法曰。陽盛乘陰。故精泄。黃柏降火。清心。蛤粉鹹而補腎陰。易老方無真珠一味。正傳

定志珍珠丸 治心虛夢泄。

蛤粉

黃柏

人參

白茯苓

各三兩

遠志

石菖蒲

青黛

各二兩

樗根白皮

一兩

右爲末。麴糊丸。梧子大。青黛爲衣。空心薑鹽湯

下五十丸。

正傳

本事清心丸 治年壯氣盛。久節淫慾。經絡壅熱。

夢瀨心忪恍惚。

好黃柏皮

一兩

爲細末。用生腦子

一錢

同研煉

蜜丸如梧子大。每服十丸。至十五丸。濃煎麥冬湯下。

大智禪師云。夢遺不可全作虛冷。亦有經絡熱而得之者是也。常治一人。至夜脊心熱。夢遺用珍珠丸。猪苓丸。遺止後服紫雪脊熱始除。或清心丸亦佳。

本事

清燥溼熱之劑。

神芎丸

大黃

黃芩

各二兩

黑丑

頭末

滑石

各四兩

黃連

川芎

薄荷葉

各半兩

滴水丸桐子大每服五十丸食後溫水下。

局方無黃

連婁全善云。一中年夢遺與瀉藥勿效。改與神

芎丸下之後與猪苓丸遂愈。

猪苓丸

治年壯氣盛溼熱鬱滯夢遺。

半夏

一兩

破如豆粒用猪苓。

二兩

爲末先將一

半炒半夏色黃勿令焦出火毒取半夏爲末糊  
丸梧子大候乾用前猪苓末一半又同炒微裂  
入瓷餅內養之空心溫酒或鹽湯下三四十丸  
常又服於未申間以溫酒下此方以行爲止治  
濕熱鬱滯小水頻數夢遺精滑良蓋半夏有利  
性而猪苓導水卽腎氣閉導氣使通之意。

一男子夢遺醫與瀉藥反甚先服神芎丸大下  
之卻服此猪苓丸愈可見夢遺屬鬱滯者多矣  
經驗猪肚丸 治夢遺泄精進飲食健肢體此藥

神應

白朮

麴炒五兩

苦參

白者牡蠣三兩

左顧者煨研四兩

右爲末。用雄豬肚一具。洗淨以瓷罐煮極爛。木石搗如泥和藥。再加肚汁搗半日。丸如小豆大。每服四五十九。日進三服。米飲送下。久服自覺身肥。而夢遺永止。

和劑威喜丸

白茯苓

去皮四兩切塊。同猪苓二錢半於磁器內煮二十餘沸。晒乾不用猪苓。

黃蠟

四兩

右以茯苓爲末溶黃蠟搜和爲丸如彈子大每  
空心細嚼滿口生津徐徐嚥服以小便清和爲  
度效忌米醋及怒氣動性。

### 三仙丸

益智仁

二兩川鹽二兩炒去鹽

烏梅

一兩半炒

山藥

一兩另爲末

右用山藥末煮糊爲丸梧子大每服五十丸用  
硃砂爲衣空心臨臥以鹽湯下。

### 蒼朮丸

茅山蒼朮

去粗皮一斤米泔浸一日夜焙乾

舶上茴香

炒三兩

川烏

炮去皮臍

破故紙

各二兩炒

川楝子

蒸取肉焙乾三兩

白茯苓

二兩

龍骨

別研二兩

右末酒糊丸梧子大。硃砂爲衣。每服五十丸。空心縮砂仁湯下。粳米飲亦可。

此直指所謂脾精不禁。當用蒼朮輩以歛脾精。是也。若有熱者宜鳳髓丹。

秘固精氣之劑。

葛元真人百補交精丸。

熟地黃

酒浸一宿切焙乾四兩

五味子

六兩

山藥

牛膝

酒浸一宿焙乾

肉蓯蓉

酒浸一宿切碎焙乾各二兩

杜仲

去粗皮慢火炒斷絲三兩

澤瀉

山茱萸

茯神

遠志

巴戟肉

柏子仁

微炒另研

赤石脂

各一兩

右爲細末煉蜜丸如梧子大每服二十九空心

酒送下。一方有石羔一兩

### 固真散

白龍骨

一兩

韭子

一合

右爲末每服二錢七空心用酒調服此二藥大



能澁精固真氣煖下元。一方有白茯苓兔絲子醋和丸桐子大每服五十丸溫酒鹽湯下。名玉露丸。一方加天雄鹿茸牡蠣酒糊丸梧子大每服五十丸酒下日再名內固丸。

玉鎖丹 治玉門不閉遺精日久如水之漏不能關束者。

文蛤 八兩 白茯苓 二兩 白龍骨 一兩

右爲細末米糊丸梧子大每服七十丸空心淡鹽湯下臨睡更進一服極效加蓮鬚或肉二兩

芡實二兩。兔絲子四兩。牡蠣一兩。山藥粉九。九  
炒。

赤白濁

有濕熱下流而致者。病從脾而及腎也。丹溪曰。大率  
多是濕痰流注。治宜燥濕降火。珍珠粉丸主之。

真珠粉丸

黃柏

炒

蛤粉

炒各

珍珠

三兩

石爲末。水糊丸如梧子大。每服一百丸。空心溫  
酒下。黃柏苦而降火。蛤粉珍珠鹹而補腎也。

又方加樗白皮青黛乾薑炒滑石等分神麴糊  
丸。盧氏曰病因濕熱的矣。然亦不可專用寒涼  
藥。故用炒柏之類。又以乾薑之溫而佐之也。

又方海蛤黃柏各三兩樗根白皮青黛各二兩  
人參白茯苓各三兩遠志石菖蒲各二兩麴糊  
丸。梧子大每服五十九。空心薑鹽湯下。名定志  
珍珠丸。又方加知母炒牡蠣煨粉山藥炒等  
分爲末。糊丸。梧子大每服八十九。鹽湯下。

草薺分清飲

益智仁 川萆薢 石菖蒲 烏藥 等分

右咬咀每服四錢水一盞入鹽一捻煎七分食

前溫服 一方加茯苓甘草

治腎虛白濁方 聖濟總錄

肉蓯蓉 鹿茸 山藥 白茯苓 等分

右爲末米丸梧子大每服三十九丸棗湯下

小兒絲子丸

石蓮肉 二兩 白茯苓 一兩 兔絲子 酒浸研五兩

懷山藥 二兩內以七錢五分作糊

右爲細末用山藥末糊丸梧子大每服五十丸  
溫酒或鹽湯下空心服一方有五味子名元  
兔丹一方無山藥名扶兔丸

## 便澀統論

潔古云。藏府之秘。不可一概論治。有虛秘。有實秘。有風秘。有冷秘。有氣秘。有熱秘。有老人津液乾燥。婦人分產亡血。及發汗利小便。病後血氣未復。皆能作澀。不可一例用硝黃利藥。巴豆牽牛尤在所禁。按仲景云。脈浮而數。能食不大便者。此爲實。名曰陽結。期十七日當劇。脈沉而遲。不能食。身體重。大便反鞭。名曰陰結。期十四日當劇。東垣云。陽結者散之。陰結者熱之。前所云實閉。熱閉。卽陽結。所云冷閉。虛閉。卽陰結。

也。

虛閼

虛閼有二。一以陰虛。一以陽虛也。凡下焦陽虛。則陽氣不行。陽氣不行。則不能傳送而陰凝於下。下焦陰虛。則精血枯燥。精血枯燥。則津液不到。而腸藏乾槁。治陽虛者。但益其火。則陰凝自化。治陰虛者。但壯其水。則涇渭自通。

菰蓉潤腸丸

肉菰蓉

酒浸焙  
二兩

沉香

另研  
一兩

爲末用麻子仁汁打糊爲丸。梧子大。每服七十丸。空心服。

益血潤腸丸

熟地

六兩

杏仁

炒去尖

麻仁

各三兩已上  
三味各杵膏

枳殼

橘紅

各二兩半

阿膠

炒

肉蓯蓉

各一兩半

蘇子

荊芥

各一兩

當歸

三兩

末之。以前三味膏同杵千餘下。加煉蜜爲丸。如桐子大。每服五六十丸。空心白湯下。

五仁丸



栢子仁

半兩

松子仁

桃仁

杏仁

各一兩

郁李仁

一錢

陳皮

四兩另爲末

右將五仁另研如膏入陳皮末研勻煉蜜丸梧子大每服五十丸空心米飲下

黃芪湯

治老人虛閼

綿黃芪

陳皮

去白各半兩

右爲末每服三錢用大麻仁一合研爛以水投取漿水一盞濾去滓於銀石器內煎後有乳起卽入白蜜一大匙再煎令沸調藥末空心食前

服閉甚者不過兩服愈

實閉

實閉者胃實而閉東垣所謂胃氣實者閉物胃氣虛者閉氣是也其人能食小便赤其脈沉實

麻仁丸

厚朴

薑製

枳實

麩炒

芍藥

各八兩

大黃

蒸焙一斤

麻仁

別研五兩

杏仁

去皮尖炒五兩半

右爲末煉蜜和丸梧子大每服二十九臨卧溫

水下大便通利則止

木香逐氣丸

兵榔

雞心者

青皮

去白

陳皮

去白各半兩

南木香

二錢半

川巴豆肉

一錢半研如泥漸入藥同研

右件並末生薑自然汁調神麴末爲糊丸麻子

大每服十九薑湯下如氣攻腹痛枳殼木瓜煎

湯下

按實悶有寒有熱熱實者宜寒下寒實者宜溫下麻仁丸厚朴三物湯治實而熱者逐氣丸瀝脾湯治實而寒者也

風閼

風閼者。風勝則乾也。山風搏肺藏。傳於大腸。津液燥澁。傳化則難。或其人素有風病者。亦多有閼。或腸胃積熱。久而風從內生。亦能成閼也。

皂角丸 治大腸有風。大便秘結。

皂角

炙去子

枳殼

去瓢麩炒各等分

石爲末。煉蜜丸。梧子大。每服七十丸。空心米飲下。或加麻仁杏仁。防風陳皮亦得。

東垣潤腸丸

當歸梢

羌活

大黃

煨各半兩

麻仁

桃仁

去皮尖各一兩

蜜九桐子大每服三五丸白湯下。

冷閼

冷閼者寒冷之氣橫於腸胃凝陰固結陽氣不行津液不通其人腸內氣攻喜熱惡冷其脈遲澀者是也

半硫丸

半夏

湯洗七次焙乾爲細末

硫黃

明淨好者研令極細用柳木槌子殺過

右以生薑自然汁固熬入乾蒸餅末攪和勻入

曰內杵數百下。丸如梧子大。每服十五丸。至二十丸。無灰溫酒。或生薑湯任下。婦人醋湯下。俱空心服。

準繩云。熱藥多秘。惟硫黃煖而能通。冷藥多泄。惟黃連肥腸而止泄。

### 熱閼

熱閼者。熱搏津液。腸胃燥結。傷寒。熱邪傳裏。及腸胃素有積熱者。多有此疾。其症面赤身熱。腹中脹悶。時欲作冷。或口舌生瘡。

大黃飲子 治身熱煩躁大便不通

大黃濕紙裹煨二錢杏仁炒去皮尖枳殼麩炒梔子仁

生地黃各一錢半人參 黃芩各七分川升麻 一錢

甘艸炙五分

右作一服。水二鍾。薑五片。豆豉二十一粒。烏梅一枚。煎至一鍾。不拘時服。

氣閼

氣閼者。氣內滯而物不行也。其脈沉。其人多噫。心腹痞悶。脇肋脹。此不可用藥通之。雖或暫通。而其閼

益甚矣。或迫之使通。因而下血者。惟當順氣。氣順則便自通矣。

蘇子降氣湯。加枳殼杏仁煎。此藥流行肺氣。

蘇感丸。卽蘇合四分。感應六分。研和別丸。大凡

腹痛而嘔。欲利其大便。諸藥皆令人吐。惟蘇感丸。用薑汁泡湯下。最妙。

六磨湯。治氣滯腹急。大便秘澀。

沉香 木香 枳榔 烏藥

枳殼

大黃

各等分



右六味熱湯磨服。

閉癰遺溺

太無論小便不利三端。一者大便瀉而小便澀爲津液偏滲。治宜分利而已。二者熱搏下焦濕熱不行。必通泄則愈。三者脾胃氣滯不能通調水道。下輸膀胱可順氣令施化而出。然津液偏滲有脾肺之分。濕熱不行亦有腎與膀胱之別。更當參合脈症而分辨之。東垣以小便不通皆邪熱爲病。分在氣在血而治之。如渴而不利者熱在上焦。氣分爲肺熱不能生水。是絕小便之源也。宜瀝味滲泄之藥。以清肺泄火。滋水

之化源。如不渴者。熱在下焦。血分爲陰。受熱邪。閉塞其流。宜氣味俱陰之藥。以除其熱。泄其閉塞也。此以上下二焦分氣血言。然在下焦。亦有氣壅血污之分。卽在上焦。亦有氣虛氣窒之異。不可不察也。

元珠論遺溺閉癢。惟肝與督脈三焦膀胱主之。經云肝足厥陰之脈。環陰器。所生病遺溺閉癢。督脈者女子入繫廷孔。其孔溺孔之端也。其男子循莖下至纂。與女子等。其生病癢痔遺溺。三焦者。足太陽少陰之所將。太陽之別也。上踝五寸。別出貫膕腸出於委陽。

並太陽之正。入絡膀胱。約下焦。實則閉癰。虛則遺溺。然刺灸之法。但取厥陰督脈三焦俞穴。而不及膀胱者。以膀胱但藏溺耳。其出溺皆從三焦及肝督脈也。按經云。腎開竅於二陰。又云。腎合膀胱。余常見老醫以白通六味腎氣等藥。辨陰陽虛實而治之。其效捷於桴鼓。而此論獨不在腎。故當總統諸家。而參考之。則無遺義矣。

丹溪云。小便不通。有正治。有隔二隔三之治。如不因他故。但膀胱有熱者。則宜黃柏知母之屬瀉膀胱。此

正治也。如因肺燥不能生水者。則宜車前茯苓之屬。清肺氣。此隔二之治也。如因脾濕不運而精不升。以致肺不能生水者。則當蒼朮白朮之屬。燥脾利濕。此隔三之治也。但所謂清肺之法。自宜外臺百合飲子之類。清潤兼行。庶幾得理。若車前茯苓滲利之品。以求其水。益資其燥矣。

丹溪又謂不論氣虛血虛。實熱痰閉。皆宜吐之。以提其氣。氣升則水自降。譬之滴水之器。必使上竅通而後下竅之水出焉。夫病在下。取之上。內經之旨也。天

地之氣不升則不降。吐亦法之巧耳。然必痰實氣閉者。乃可用之。未可以之概治氣虛血虛等症也。

元珠閉癰遺溺不禁之辨。謂閉者小便不出。塞而不通也。癰者罷弱而氣不充。淋淋瀝瀝。點滴而出。或澀而疼。一日數十次。俗名淋病者是也。閉則是急病。癰則是緩病。遺溺睡夢中溺出。醒而方知是也。不禁者日夜無過數。頻頻而溺也。

### 小便不通

有下焦蓄熱者。內經所謂膀胱不利爲癰也。巢氏云

膀胱與腎爲表裏而俱主水。熱氣太盛。故令結澁。小便不通。腹脹氣急。甚者水氣上逆。令心腹痛嘔。乃至於死。其脈緊而滑直者是也。

廣濟方

冬葵子

滑石

茯苓

通草

各三兩

茅根

四兩

芒硝

二兩湯成下

水煮分溫三服。相去如人行六七里。若不得溺。急悶欲絕者。以鹽二升。大鎗中熬。以布綿裹臍下按之。小便當漸通也。曾試有驗。

聖濟總錄方

獨顆大蒜一枚。梔子仁三七枚。鹽花少許。三味  
爛搗攤紙上。貼臍良久卽通。未通塗陰囊上立  
通。

掩臍法

連根蔥勿洗帶土生薑一塊。淡豆豉二十一粒。  
鹽二匙同研爛。捏餅烘熱。掩臍中。以帛紮定。良  
久氣透自通。不然再換一劑。

有肺熱不降者。東垣曰。小便閉而不渴者。熱在下焦。



血分真水不足。膀胱乾涸。乃無陰則陽無以化。法宜苦寒之屬。以補腎與膀胱。使陰氣行而陽自化。則小便自通。其渴者。熱在上焦。氣分。肺中伏火。不能生水。膀胱絕其化源。宜氣味俱薄淡滲之藥。以瀉肺火。清肺金而滋水之化源。

百合飲子 外臺

桑白皮

六分

通草

百合

各八分

白茅根

一分

水四升。煮取二升。去滓溫服。

有下焦陽虛不化者。夫腎開竅於二陰。腎中陽虛。則

二陰之竅閉則大小便俱不得出如重陰泣寒地道閉塞惟與白通湯多加蔥白陽氣一至二便立通矣。

### 白通湯

蔥白 四莖 乾薑 一兩 附子 一枚

右三味以水三升煮取一升去滓分溫再服加人尿五合尤佳傷寒并用猪胆者所以從上焦格拒之陰此病獨加人尿者所以通陰中閉塞之陽也。

有下焦陰虛而陽不化者其狀腳膝軟弱無力陰汗  
陰痿足熱不能履地不渴而小便閉是不可以淡滲  
之劑利之利之則陰愈竭而水益不行矣宜苦寒之  
屬以補腎與膀胱所云使陰氣行而陽自化也

滋腎丸

黃柏

酒洗焙  
二兩

知母

酒洗焙  
一兩

肉桂

一錢

右爲細末熱水丸芡實大每服百丸加至二百  
丸百沸湯空心下

內經曰熱者寒之又云腎苦燥急食辛以潤之

以黃柏之苦寒瀉熱補水潤燥故以爲君以知母苦寒瀉腎火故以爲佐肉桂辛熱寒因熱用也。

丹溪云諸淋皆屬於熱余每用滋腎丸每百丸可用四物湯加甘草梢杜牛膝木通桃仁滑石木香煎湯空心吞服兼灸三陰交如鼓應桴累試累驗。

有轉胞不得小便者由胞爲熱所迫或強忍小便俱令水氣迫於胞屈辟不得充張外水應入不得入內

水應出不得出。小腹急痛。不得小便。不治害人。亦有虛人。下焦氣冷。不治。胞系了戾者。宜分而治之。

滑石散

寒水石

二兩

葵子

一合

滑石

一兩

亂髮灰

車前子

木通

各一兩

右剉散。水一斗。煮取五升。時服一劑。即利。

八味丸

治腎虛小便不通。或過服涼藥而閉澀。

愈甚者。及虛人下元冷。胞轉不得小便。膨急切。

痛。經四五日困篤欲死者。每服五十丸。溫鹽湯。

下。

小便閉尿滿方 小青菜 炒枳殼不拘分兩煎

湯薰洗卽通。

小便不禁

有命門陽衰不能約束水液者。經所謂水泉不止。膀胱不藏乃失守之死候也。急宜溫固腎氣多有生者。

濟生鬼絲子丸

鬼絲子

製二兩

肉蓯蓉

酒浸二兩

牡蠣

煨

桑螵蛸

酒炙五錢

五味子

鹿茸

酒炙各二兩

雞胫

炙乾五錢

小便不禁

附子炮二兩

右爲末酒糊丸桐子大每服七十丸空心鹽湯溫酒任下。

有脾肺氣虛不能約束水道而病爲不禁者金匱所謂上虛不能制下者也宜補中益氣之屬爲主而以固澇之劑佐之。張景岳曰小便不禁古方多用固澇此亦治標之意而非塞源之道也。蓋水雖主於腎而腎上連肺若肺氣無權則腎水終不能攝故治水者必先治氣治腎者必先治肺不然徒障狂瀾無益也。

又古方書論小便不禁。有屬熱屬虛之辨。不知不禁之謂。乃以小水太利爲言。皆屬虛寒。何有熱症。若因熱而小便頻數。則淋瀝點滴不能禁止。而又出之不快。或多痛澀。非遺失不禁之謂矣。倘以虛寒誤認爲熱。而妄投瀉火之劑。豈不殆哉。

巢氏云。人腫中尿出者。是其素稟陰氣偏盛。陽氣偏虛。膀胱與腎氣俱冷。不能制於水。而夜臥陽氣衰伏。不能制於陰。陰氣獨盛。則小便多。或不禁而遺尿也。治之方。



雄雞肝 桂心

二味等分搗爲丸服如小豆大一枚日三服。

交腸

交腸者大小便易位而出由冷熱不調陰陽不順而氣亂於下也婦人多有此症。

加減四物湯

四物 五錢 益元散 二錢半

水酒各一盞煎至八分去滓空心溫服。

按此症前人有以五苓散爲治者此又一法也。  
一法以舊烏紗帽燒灰服者。

## 諸淋

諸淋者。由腎虛而膀胱熱也。腎氣通於陰。陰津液下流之道也。膀胱與腎爲表裏。爲津液之府。腎虛則小便數。膀胱熱則水下澁。數而且澁。則淋瀝不宣。故謂之淋。其狀小便數。起少出。少腹弦急。痛引於臍。有石淋。勞淋。血淋。氣淋。膏淋之異。

### 透格散

消石 一兩

不夾泥土雪白者。生研爲末。每服二

錢。

勞淋勞倦虛損小便不出小腹急痛葵子米煎湯下通後便須服補虛丸散血淋小便不出時下血疼痛滿急熱淋小便熱赤色臍下急痛並用冷水調下氣淋小腹滿急尿後常有餘瀝木通煎湯下石淋莖內痛尿不能出內引小腹膨脹急痛尿下沙石令人悶絕將藥末先入銚內隔紙炒至焦爲度再研用溫水調下並空心調藥使消如水乃服之

沈存中  
雜記

淋症所感不一或因房勞或因忿怒或因醇酒厚味

房勞者。陰虛火動也。忿怒者。氣動生火也。醇酒厚味者。釀成濕熱也。積熱既久。熱結下焦。所以淋瀝作痛。初則熱淋。血淋。久則煎熬水液。稠濁如膏。如沙如石也。夫散熱利小便。只能治熱淋血淋而已。其膏石沙淋。必須開鬱行氣。破血滋陰方可也。古方用鬱金。琥珀。開鬱也。青皮。木香。行氣也。蒲黃。牛膝。破血也。黃柏。生地。黃。滋陰也。東垣治小腹痛。用青皮。黃柏。夫青皮。疎肝。黃柏。滋腎。蓋小腹乃肝腎部位也。

### 沙石淋

沙石淋者膀胱結熱水液燥聚有如沙石隨溺而出其大者留礙水道痛引小腹令人悶絕也

人參散方

人參

通草

青鹽

研

海金沙

別研各一分

莎艸根

炒去毛半兩

右爲散合研勻每服二錢空心米飲下。

海金沙散

海金沙

滑石

石脂

木通

井泉石

碎

甘草

炙

右六味等分爲散。煎燈心湯調下二錢。不拘時。  
驚甲散

驚甲燒存性。搗羅爲散。每服三錢。空心溫酒調下。

### 茅根湯

茅根細切葛花爲末露蜂房爲末  
一斤 一兩 二兩  
右分三服。每服以水三盞煎溫服。

三因石燕丸 治石淋因憂鬱氣注下焦結所食  
鹹氣而成。令人小便礮痛不可忍。出沙石而後

小便通。

石燕

火燒通赤水中淬三次研極細水飛焙乾

石韋

去毛

瞿麥穗

滑石

各一兩

右爲細末。麴糊丸梧子大。每服十丸。食前用瞿麥燈心煎湯送下。日二三服。

外臺療石淋方

石首魚頭

十四枚

當歸

等分

二味杵散。以水二升煮一升。頓服立愈。或單服

魚頭石亦佳。



白茅湯 治婦人產後諸淋。無論膏石冷熱皆治

之。

白茅根 五錢 瞿麥 白茯苓 各二錢 澤瀉 七分

人參 各一錢 蒲黃 桃膠 葵子 各七分

甘草 五分 紫貝 二個 石首魚頭中骨 四個

右剉分二貼。入薑三片。燈心二十莖。空心水煎服。

勞淋

勞淋者。勞傷腎氣。內生虛熱。熱傳膀胱。氣不施化。以

致小便淋瀝作痛。此症勞倦即發。故謂之勞淋。其候小腹痛引莖中者是也。

鬼絲子丸 治腎勞虛損。洩便不利。淋瀝不已。

鬼絲子

酒浸別研

人參

黃芪

芍藥

滑石

各一兩

木通

車前

各一兩

黃芩

三分

冬葵子

炒

合

右爲末。蜜丸。梧子大。每服二十丸。食前溫酒或

鹽湯下。日二。

白芍藥丸

治勞淋。小腹痛。小便不利。

白芍藥

熟地黃

當歸

鹿茸

各一兩

右細末蜜丸。梧桐子大。每服三十丸。阿膠湯下。

血淋

血淋者。熱在下焦。令人淋瀝不通。熱盛則搏於血脈。血得熱而流溢。入於胞中。與溲便俱下。故為血淋也。

白茅根湯

白茅根

芍藥

木通

車前子

各三兩

滑石

碎

黃芩

各一兩半

亂髮

燒灰半兩

冬葵子

微炒半兩

右八味搗篩。每服三錢。水煎溫服。日三。

雞蘇飲

雞蘇葉

竹葉

各二兩

滑石

木通

各五兩

小薊根

一兩

生地黃

六兩

每服五錢。水煎溫服不拘時以利爲度。

四汁飲

葡萄汁

生藕汁

生地汁

蜜

五合

右俱取自然汁與蜜和勻每服七分一盞銀石器內慢火煎沸溫服不拘時

瞿麥湯

治血淋尿血。

爛滑石

赤芍

瞿麥穗

車前子

生

赤茯苓

石韋

去毛

桑白皮

炒

阿膠

炒

黃芩

生地黃

洗

甘草

炙

白茅根

等分

右爲細末。每服二錢。入髮灰一錢。沸湯調下。

琥珀散

琥珀爲細末。每服二錢。燈心一握。腦荷少許。煎

湯調下。

茅根飲子

張文仲方

治胞絡中虛熱。小便赤淋。此心氣

虛而熱氣乘之也。

茅根一升 茯苓二兩 人參 乾地黄二兩

右四味以水五升煮取一升五合分溫五六服

一日服盡驗

又方 陶氏

苧根十枚水五升煮取二升一服血止神驗

本事火府丹 治心經蘊熱小便赤少五淋塞痛

生乾地黄二兩 黃芩一兩 木通三兩

右爲末煉蜜丸桐子大每五十丸燈心湯下

新定

生地 三錢 麥冬 二錢 茅根 五錢 竹葉 三錢

滑石 二錢 葵子 一錢 川木通 一錢 黃芩 一錢

右作一服水煎服。虛人用緩。加甘草五分。實人用急。加川芎硝一錢。

牛膝膏 治死血作淋

牛膝 四兩去蘆 桃仁 去皮炒 歸尾 酒浸各一兩

生地 赤芍 各一兩 川芎 五錢

右剉片用甜水十鍾炭火慢慢煎至二鍾入麝香少許分作四次空心服。

氣淋

氣淋者。氣閉不能化水。病從肺而及於膀胱也。其候小腹滿。尿澁。常有餘瀝。許仁則云。氣淋者。氣壅小便不通。遂成氣淋。此病自須依前療水氣法。然亦有氣熱不能化水者。當以清肺金為主也。

瞿麥湯

瞿麥

桑白皮

甘艸

炙各半兩

木通

赤茯苓

陳皮

去白各一兩

滑石

碎一兩半

冬葵子

炒一合

右共八味。搗篩。每服三錢。入蔥白二寸同煎。溫



服。

桑白皮湯 治氣淋結澀溲便不利。

桑白皮 一兩 茅根 二兩 木通 乾百合 各二兩

右搗篩每服三錢水煎溫服無時

石韋散

石韋 去毛 赤芍 各半兩 白茅根 木通

瞿麥 川芎 硝 葵子 各一兩 木香 一兩

滑石 二兩

右吹咀每服四錢水一盞煎至六分去滓食前

溫服。

沉香散 治氣淋多因五內鬱結氣不宣行陰滯

於陽而致壅閉小便脹滿便溺不通。

沉香 石韋去毛 滑石 王不留行

當歸各半兩 葵子 白芍各七錢半 橘皮

甘草各二錢半

右為散每服二錢煎大麥湯下。

膏淋

膏淋者小便肥濁色若脂膏故名膏淋亦曰肉淋。

磁石丸

磁石

火煨醋淬  
三七次

肉蓯蓉

酒浸  
切焙 澤瀉

滑石

各一兩

右為末。蜜丸。梧子大。每服三十丸。溫酒下。不拘時。如臍下妨悶。加沉香一錢。以行滯氣。

秋石丸

此直指方也。治濁氣干清。精散而成膏。

淋。黃白赤黯。有如肥膏。蜜油之狀。

白茯苓

一兩

桑螵蛸

蜜炙

鹿角膠

搗碎  
炒黃

秋石

各半兩

右末研糕糊丸。梧子大。每服五十丸。人參煎湯下。

三因鹿角霜丸

鹿角霜

白茯苓

秋石

各等分

右爲細末。糊丸。梧子大。每服五十丸。米飲下。

## 疝症統論

昔人論疝。有專主厥陰經者。有專主任脈者。有兼言五藏者。主厥陰者。謂肝之脈環陰器。抵少腹。是厥陰之分。乃受疝之處也。主任脈者。謂內經任脈爲病。男子內結七疝。故任之脈爲疝之源也。兼五藏者。謂內經心脈搏急爲心疝。肺脈沉搏爲肺疝。又太陰脈滑爲脾風疝。太陽脈滑爲腎風疝。少陽脈滑爲肝風疝。之類是也。以愚觀之。則疝病未有不本於肝者。蓋任爲陰脈之海。其脈同足厥陰並行腹裏。而五藏之疝。

其脈曰搏急曰滑。夫搏急是肝脈。滑則爲病風。風氣通於肝。故任脈諸藏雖皆有疝。莫不連合肝經。所謂有形如瓜有聲如蛙。或上於腹。或下於囊者。方可謂之疝病。其不與肝相干者。則不得謂之疝矣。至論疝病之因。有主寒者。有主濕熱者。有火從寒化者。要之疝病不離寒濕熱三者之邪。寒則急。熱則縱。溼則腫。而尤必以寒氣爲之主。其有熱者。寒邪鬱熱於內。非熱能病疝。亦非熱能變寒也。故曰熱爲寒鬱。則可熱從寒化。則不可。又疝者痛也。不特睪丸腫痛爲疝。卽

腹中攻擊作痛。控引上下者。亦得名疝。所以昔賢有腹中之疝。與舉丸之疝之說。戴人且謂婦人亦有疝。凡血涸不月。少腹有塊等症。皆是要不離乎肝經爲病。蓋肝者藏血主筋。而其氣暴且善攻冲也。

諸疝名狀。巢氏戴人言之最詳。巢氏辨列七疝。曰厥。曰癰。曰寒。曰氣。曰盤。曰疝。曰狼。其厥熱心痛吐食不下者。名曰厥疝。腹中氣乍滿。心下盡痛。氣積如臂者。曰癰疝。寒飲食卽脇下腹中盡痛。曰寒疝。腹中乍滿乍減而痛。曰氣疝。腹中痛在臍旁。曰盤疝。腹中臍下

有積聚曰臍疝。小腹與陰相引而痛。大便難曰狼疝。此皆痛在心腹之疝也。戴人亦分七疝。曰寒。曰水。曰筋。曰血。曰氣。曰狐。曰癰。寒疝其狀囊冷。結硬如石。陰莖不舉。連控睪丸而痛。得之坐臥濕地及磚石。或冬月涉水。或風冷處。使內過勞。宜以溫劑下之。久而無子。水疝其狀腎囊腫痛。陰汗時出。或囊腫狀如水晶。或囊癢搔出黃水。或小腹按之作水聲。得之飲水。或醉酒使內過勞。汗出而遇風寒。溼之氣聚於囊中。故水多。令人爲卒疝。宜以逐水之劑下之。筋疝其狀陰



莖腫痛。或潰或膿。或裏急筋縮。或莖中痛。痛極則痒。或挺縱不收。或白物如精。隨洩而下。得之房室勞傷。及邪術所使。宜以降心火之藥下之。血疝其狀如黃瓜。在小腹兩脇橫骨兩端約中。俗云便癰。得之春夏重感大燠。勞於使內。氣血流溢。滲入脬囊。留而不去。結成癰腫。膿少血多。宜以和血之劑下之。氣疝其狀上連腎區。下及陰囊。或因號哭忿怒。則鬱久而脹。號哭怒罷。則氣散者是也。宜以散氣之劑下之。狐疝其狀如瓦。臥則入小腹。行立則出。腹入囊中。狐晝出穴。

而溺夜入穴而不溺。此疝出入上下往來。正與狐相類。亦與氣疝大同小異也。宜以逐氣流經之藥下之。癰疝其狀陰囊腫綻。如升如斗。不痒不痛。得之地氣卑溼所生。故江淮之間。湫澹之處。多感此疾。宜以去溼之藥下之。此皆痛在睪丸之疝也。

### 溫劑

溫法有二。外入之寒。溫必兼散。内生之寒。溫必以補。子和論疝多從勞內得之。然並不立補法。愚謂寒從外入者。其病多實寒。從內生者。其病多虛。設不能辨。

而概與散法。難免虛虛之咎矣。余采當歸羊肉等方。以補子和之未備。且遵仲景之舊法也。

和劑葫蘆巴丸 治疝氣偏墜。痛不可忍。甚則嘔

吐悶亂。

葫蘆巴炒一斤 川楝子去核炒一斤二兩 川烏炮去皮

巴戟去心炒各六兩 茴香鹽水炒十二兩 吳茱萸洗炒十兩

右爲末。酒糊丸如梧子大。每服十五丸至二十丸。空心溫酒下。食前。一方有黑牽牛。

烏頭桂枝湯 仲景 治寒疝腹中痛。逆冷。手足不仁。

烏頭

右一味。以蜜二斤煎減半。去滓。以桂枝湯五合解之。得一升。初服二合。不知卽服三合。以不知復加至五合。其知者如醉狀。得吐者爲中病。桂枝湯和榮衛散寒邪。止痛烏頭直入厥陰。逐寒氣用蜜煎者。緩其毒也。一方只用烏頭水。煮去滓。內蜜煎。令水氣盡服之。名烏頭煎。

當歸生薑羊肉湯

當歸 三兩  
生薑 五兩  
羊肉 一斤

精者

水八升。煮取三升。溫服七合。日三服。若寒多者。加生薑十片。痛多而嘔者。加陳皮二兩。白朮一兩。

金匱治寒疝腹中痛。及脇痛裏急者。當歸生薑羊肉湯主之。

衍義云。服之無不應驗。有一婦人產當寒月。寒氣入產門。臍以下脹滿。手不欲犯。此寒疝也。師將與抵當湯。謂有瘀血。非其治也。與仲景羊肉湯。一服而愈。

海藏附子建中湯

桂

白芍

甘草

飴糖

附子製

白蜜

生薑

此溫養營血之劑。亦有虛在氣分者。丹溪云。痼有挾虛而發者。其脈不甚沉緊而豁大無力者是也。然其痛亦輕。唯覺重墜牽引耳。當以參朮爲君。疏導藥佐之。如桃仁川棟茺蔚木香橘核之類是也。

逐水之劑

醉後飲水過多。脾氣不化。則流入下焦。或房勞汗出。入水。腎氣不治。則滲入呼囊。此水疝之源也。子和以

導水禹功治蔡叅軍疝痛瀉水三十餘行。腫痛立消。蓋必決去其水而疝乃愈。若雜進薑附。水溼爲燥熱所壅。則三焦閉塞。水道不行。而腫痛益甚矣。

### 禹攻散

黑丑

頭末四兩

茴香

炒一兩

右爲末以生薑自然汁調一二錢臨臥服。

### 宣胞丸 治外腎腫痛。

黑牽牛

半生半熟取頭末一兩

川木通

炒一兩

青木香

一兩用鹽豎七枚同炒香

右爲細末酒糊爲丸如梧子大每服三十九溫酒下。

除溼之劑

水濕同氣也然水汪洋而濕淹濡故水可逐而濕宜滲水成形而濕化氣故水無陽而溼有熱子和水疝癰疽所由分也學者辨諸。

元戎加味五苓散

朮

茯苓

猪苓

澤瀉

肉桂

川棟子



右爲末。

降心火之劑

治疝降心火之說。子和語焉而未詳。戴氏有心火下降。則腎水不患不溫之語。然與子和之治不同。子和所謂降心者。治在筋疝。莖腫痛潰膿血。戴氏所謂降心者。治在木腎。頑痺結硬如石。大抵子和主清降。使心火下泄。如加味通心散之類。戴氏主鹹降。使心火下濟。如海藻潰堅丸之類。然而治法懸殊矣。

加味通心散 治膀胱實熱。小腸氣痛。

瞿麥穗

木通

去皮節

梔子仁

黃芩

連翹

甘艸

枳殼

去瓢

川棟

去核各等分

右剉散。每服五錢。水一盞半。燈心二十莖。車前

草五莖。同煎。空心溫服。

海藻漬堅丸

治木腎如斗。結硬如石。

海藻

昆布

川棟實

吳茱萸

湯炮各一兩

木香

青皮

小茴香

荔枝核

炒

延胡索

炒

肉桂

各五錢

海帶

橘核

炒

桃仁

麩炒去皮尖各一兩

木通

七錢

酒糊丸梧子大每服六十丸溫酒鹽湯任下。

和血之劑

子和所謂血疝。卽今人所謂癰癰也。羣丸腫痛潰出膿血。以病在血分。故名血疝。血行則疝亦愈。故當和血。

桃仁當歸湯 治疝因瘀血作痛。

桃仁去皮尖 當歸梢酒洗 延胡索各一錢半

川芎 生地黃 赤芍藥

吳茱萸 青皮醋炒各一錢 牡丹皮八分

水二鍾。薑三片。煎八分。食前服。

散氣之劑

氣聚則寒。氣散則通。是痛之休作。由氣之聚散也。故曰治疝必先治氣。

青木香丸

黑牽牛

二十兩炒香

補骨脂

炒

萆澄茄

各四兩

木香

二兩

檳榔

用酸粟米飯裹溼紙包火中煨令紙焦去飯四兩

右爲細末。清水滴爲丸。如菰豆大。每服三十丸。

熟水下。

寒熱兼行之劑

疝氣有寒束於外。鬱熱在內。攻刺急痛者。法必寒熱兼行。如倉卒散之類。丹溪云。用之無有不效。蓋川烏頭治外束之寒。山梔仁治內鬱之熱也。

倉卒散

山梔仁

四十九箇  
燒半過

附子

一枚  
炮

右剉散。每服二錢。水一盞。酒半盞。煎七分。入鹽一捻。溫服即愈。

丹溪方

山梔仁 川烏

吳茱萸 桐核

桃仁

各等分

右研水煎服。

逐氣流經之劑

許學士云。疝病多因虛。而得之不可以虛而驟補。邪之所湊。其氣必虛。留而不去。其病則實。故必滌去所畜之邪。然後補之。是以治疝諸藥。多借巴豆氣者。蓋爲此也。

天台烏藥散

東垣下同

天台烏藥

木香

茴香

炒

青皮

去白

良薑

炒各五錢

檳榔

剉二枚

川楝

十箇

巴豆

十四枚

右八味先以巴豆打碎同楝實用麩炒候黑色去巴豆麩俱不用外爲細末每服一錢溫酒調下。

### 川楝子散

川楝子

剉碎用巴豆十四粒打破一處炒黃色去巴豆

木香

茴香

鹽一匙炒黃去鹽各一兩

右爲細末每服二錢空心食前溫酒調下。

診候生死要法

五藏者中之守也。中藏盛滿氣勝傷悲者聲如從室中言。是中氣之濕也。言而微終日乃復言者此奪氣也。衣被不歛言語善惡不避親疎者此神明之亂也。倉廩不藏是門戶不要也。水泉不止者是膀胱不藏也得守者生失守者死。五藏者身之強也。頭者精明之府。頭傾視深精神將奪矣。背者胸中之府背曲肩隨府將壞矣。腰者腎之府轉搖不能腎將憊矣。膝者筋之府屈伸不能行則僂附筋將憊矣。骨者髓之



府不能久立。行則振掉。骨將憊矣。得強則生。失強則死。脈要精微論

人一呼脈四動以上曰死。脈絕不至曰死。乍疎乍數曰死。人無胃氣曰逆。逆者死。脈從陰陽病易已。脈逆陰陽病難已。脈得四時之順曰病無他。脈反四時及不間藏曰難已。春夏而脈瘦。秋冬而脈浮大。命曰逆四時也。風熱而脈靜。泄而脫血。脈實。病在中。脈虛。病在外。脈澹堅者皆難治。命曰反四時也。水穀爲本。故人絕水穀則死。脈無胃氣亦死。所謂無

胃氣者。但得真藏脈。不得胃氣也。平心脈來。累累如連珠。如循琅玕。曰心平。夏以胃氣爲本。病心脈來。喘喘連屬。其中微曲。曰心病。死心脈來。前曲後居。如操帶鉤。曰心死。平肺脈來。厭厭聶聶。如落榆莢。曰肺平。秋以胃氣爲本。病肺脈來。不上不下。如循雞羽。曰肺病。死肺脈來。如物之浮。如風吹毛。曰肺死。平肝脈來。奕弱招招。如揭長竿末梢。曰肝平。春以胃氣爲本。病肝脈來。益實而滑。如循長竿。曰肝病。死肝脈來。急益勁。如新張弓弦。曰肝死。平脾脈來。和柔相離。如雞

踐地曰脾平。長夏以胃氣爲本。病脾脈來實而盈數如雞舉足曰脾病。死脾脈來銳堅如烏之喙如鳥之距如屋之漏如水之流曰脾死。平腎脈來喘喘累累如鉤按之而堅曰腎平。冬以胃氣爲本。病腎脈來如引葛按之益堅曰腎病。死腎脈來發如奪索辟辟如彈石曰腎死。平人氣象論

形氣相得謂之可治。色澤以浮謂之易已。脈從四時謂之可治。脈弱以滑是有胃氣。命曰易治。取之以時形氣相失謂之難治。色夭不澤謂之難已。脈實以堅

謂之益甚。脈逆四時爲不可治。所謂逆四時者。春得肺脈。夏得腎脈。秋得心脈。冬得脾脈。其至皆懸絕沉瀉者。名曰逆四時。五實死。五虛死。脈盛皮熱。腹脹前後不通。悶瞀。此謂五實。脈細皮寒。氣少。泄利前後飲食不入。此謂五虛。漿粥入胃。泄注止。則虛者活。身汗得後利。則實者活。

玉機真藏論

形盛脈細。少氣不足以息者危。形瘦脈大。胸中多氣者死。形氣相得者生。參伍不調者病。三部九候皆相失者死。上下左右之脈相應如參。春者病甚。上下左

右相失不可數者死。中部之候雖獨調與衆相失者死。中部之候相減者死。目內陷者死。脫肉身不去者死。真藏脈見者死。九候之脈皆沉細懸絕者爲陰主冬。故以夜半死。盛躁喘數者爲陽主夏。故以日中死。寒熱病者以平旦死。熱中及熱病者以日中死。病風者以日夕死。病水者以夜半死。其脈乍疎乍數乍遲乍疾者。日乘四季死。形肉已脫。九候雖調猶死。七症雖見。九候皆從者不死。脈不往來者死。皮膚著者死。瞳子高者。太陽不足。戴眼者。太陽已絕。此決

死生之要也。

三部九候論

乳子而病熱脈懸小者手足溫則生寒則死。乳子中風熱喘鳴肩息者脈實大也緩則生急則死。腸澼便血身熱則死寒則生。腸澼下白沫脈沉則生浮則死。腸澼下膿血脈懸絕則死滑大則生。腸澼之屬身不熱脈不懸絕者滑大者曰生懸濇者曰死。癰疾脈搏大滑久自已脈小堅急死不治。癰疾之脈虛則可治實則死。消痺虛實脈懸小堅病久不可治。脈實大病久可治。

通評虛實論

診候生死要法

陽從左。陰從右。老從上。少從下。是以春夏歸陽為生。

歸秋冬為死。反之則歸秋冬為生。一上一下。寒厥

到膝。少者秋冬死。老者秋冬生。形弱氣虛死。形氣

有餘。脈氣不足。死。脈氣有餘。形氣不足。生。方盛衰論

得守者生。失守者死。得神者昌。失神者亡。本病論

平人而氣勝形者壽。病而形肉脫。氣勝形者死。形勝

氣者危。壽夭剛柔篇

熱病七八日。脈微小。病者溲血。口中乾。一日半死。脈

代者。一日死。熱病已得汗出。而脈尚躁喘且復熱。

喘甚者死。熱病七八日。脈不躁躁不數散後三日  
中有汗。三日不汗。四日死。熱病不知所痛耳聾不  
能自收。口乾陽熱甚陰頗有寒者。熱在髓死不可治。  
熱病已得汗而脈尚躁盛。此陰脈之極也死。其得  
汗而脈靜者生。熱病脈盛躁而不得汗者。此陽脈之  
極也死。脈盛躁得汗靜者生。熱病不可刺者有九  
一曰汗不出。大顙發赤噦者死。二曰泄而腹滿盛者  
死。三曰目不明。熱不已者死。四曰老人嬰兒熱而腹  
滿者死。五曰汗不出。嘔下血者死。六曰舌本爛。熱不



止者死。七曰咳而衄。汗不出。出不至足者死。八曰髓  
熱者死。九曰熱而瘕者死。腰折瘕癎。齒噤齱也。凡此  
九者不可刺也。熱病篇

熱病脈靜。汗出已。脈盛躁。是一逆也。病泄脈洪大。是  
二逆也。著痺不移。腠肉破。身熱脈偏絕。是三逆也。淫  
而奪形。身熱色天然白。及後下血。衄血。衄重。是四  
逆也。寒熱奪形。脈堅搏。是謂五逆也。

脈一呼再至曰平。三至曰離經。四至曰奪精。五至曰  
死。六至曰命絕。此至之脈也。一呼一至曰離經。再呼

一至曰奪精。三呼一至曰死。四呼一至曰絕命。此損之脈也。損之爲病。一損損於皮毛。皮聚而毛落。二損損於血脈。血脈虛少。不能榮於五藏六府。三損損於肌肉。肌肉消瘦。飲食不能爲肌膚。四損損於筋。筋緩不能自收持。五損損於骨。骨痿不能起於床。反此者。至脈之病也。從上下者。骨痿不能起於床者死。從下上者。皮聚而毛落者死。脈來一呼再至。一吸再至。不大不小曰平。一呼三至。一吸三至。爲適得病。前大後小。卽頭痛目眩。前小後大。卽胸滿短氣。一呼四至。

一吸四至病欲甚脈洪大者苦煩滿沉細者腹中痛滑者傷熱濇者中霧露一呼五至一吸五至其人當困沉細夜加浮大晝加不大不小雖困可治其有大小者難治一呼六至一吸六至爲死脈也沉細夜死浮大晝死一呼一至一吸一至名曰損人雖能行猶當著床所以然者血氣皆不足故也再呼一至再吸一至名曰無魂無魂者當死也人雖能行名曰行尸上部有脈下部無脈其人當吐不吐者死上部無脈下部有脈雖困無能爲害所以然者人之有尺譬如

樹之有根。枝葉雖枯槁。根本將自生。有根本。人有元氣。故知不死。

扁鵲云。筋絕不治。九日死。手足爪甲青黑。呼罵口不  
息也。

門人 平舟沈安伯

星門陳步羔

全校字

珊 圖南

男

龍翔 召南

金匱要略卷八

金匱要略

卷八 診候生死要法

序

參校諸同人姓氏

朱青溪

沈安伯

沈竹坪

邱士廉

顧心安

錢理安

邱雲坡

顧晴川

潘小愚

顧心梅

陳步雋

夏晉安

姪東屏

惕峰

圖南

另  
台南